



## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

Quo dies tertius et quartus continentur

**Bolland, Johannes**

**Parisiis et Romae, 1866**

In S. Ammone Seu Amone.

---

[urn:nbn:de:hbz:466:1-72907](https://nbn-resolving.org/urn:nbn:de:hbz:466:1-72907)

A

AUCTORE  
C. S.

## IN S. AMMONE SEU AMONE

**P**ag. 568 in *Annotatis, Vitæ S. Ammonis sub-*  
*jectis, ad litteram f quædam de voce Ἀπαρτία,*  
*simulque Apatheitarum, id est, eorum, qui hominem*  
*in vita ad impassibilitatem et impeccantiam perce-*

*nire posse voluerunt, hæresi observari; pro ampliori*  
*autem observatorum notitia videsis etiam Operis*  
*nostri tom. VIII Septembris, pag. 617, num. 1000,*  
*et pag. 619, num. 1011.*

## IN S. FRANCISCO CONFESSORE.

S. Francisci  
Vita Italica  
a R. P. Ma-  
rentino

**P**ag. 701 ad finem num. 61 adde: Henschenius ad  
diem 15 Junii breviter agens de hoc B. Petro Com-  
patri, ejusdem obitum ad annum 1216 etiam repo-  
suit, auctoritatem Gonzage secutus.

Pag. 761, num. 125. Sub prelo jam versabantur  
mea de S. Francisco *Assisiate Analecta*, cum tandem  
aliquando ad me perlata fuerunt dudum expetita  
*Animadversiones critica*, quas R. P. Honorius Ma-  
rentinus, jam alias a me laudatus, anno 1765 typis  
Mediolanensibus vulgavit adversus Anonymum, a  
quo illius de Indulgentia Portiunculana Disserta-  
tiones fuerant impetite. Porro Marentinus, qui in  
prioribus istis Dissertationibus agnoverat, apud  
Bonaventuram non exstare expressam de eadem  
Indulgentia mentionem, in posterioribus pag. 78 et  
sequenti laudat aliam S. Francisci Vitam Italicam,  
quæ eundem S. Bonaventuram auctorem præfert, ac  
typis Antonii Zaroti Mediolani edita fuit anno 1477.

Tum subdit: Haud dubie igitur S. Bonaventura  
ipse est illius libri author; abhorret enim a veri  
specie asserere, illis præsertim temporibus, sub-  
dolum quemdam hominem, nulla penitus de causa,  
S. Bonaventuræ adscribere voluisse librum aliena  
manu exaratum: quamvis certum sit, et ingenue  
fatear, eidem Operi adjecta fuisse nonnulla, quæ  
post sancti viri interitum contigere, quod familiare  
novimus in libris historicis, qui ante inventam  
typographorum artem conscripti sunt etc.

pro Indulgen-  
tis Portiun-  
culanis lau-  
data.

2 Ex hac vero Vita locum recitat, quem ex ser-  
mone Italico reddo Latinum. Dum esset B. Fran-  
ciscus apud Sanctam Mariam de Angelis, quadam  
nocte fuit ei revelatum a Domino Deo, ut adiret  
summum Pontificem, dominum Honorium tertium,  
qui tunc temporis erat Perusii, ad impetrandam  
Indulgentiam in dicta ecclesia, ab ipso tunc repa-  
rata. Si tam certo, quam Marentinus existimavit,  
Vita ista S. Bonaventuram haberet auctorem, nec de  
interpolatione posset esse suspecta, cessaret argu-  
mentum negativum, quod Portiunculana Indulgentiæ  
impugnatores ab ejusdem sancti doctoris silentio re-  
petierunt, urseruntque præ ceteris. Verum enimvero,  
non desunt solidæ rationes, quæ eam illi omnino  
adjudicandam, vel eo ipso adducto in loco interpola-  
tam fuisse, suadeant. Waddingus apud me relatus in  
Commentarii prævii § 1 solum duas S. Francisci  
Vitas a S. Bonaventura conscriptas novit; unam  
scilicet Legendam Majorem, quam edidi; alteram Mi-  
norem; nam, ut ibidem num. 22 asserit. Majorem  
illam in plures sectiones distributam in compen-  
dium redegit sanctus (Bonaventura) ad preces  
cujusdam episcopi Galli, quæ... per dies Octavæ  
S. Francisci leguntur.

S. Bonaventu-  
ram, ejus  
nomen præ-  
fert.

3 Præter has duas, ambas certe Latino, non Ita-  
lico sermone scriptas, nullam aliam S. Francisci  
Vitam eidem sancto doctori attributam memorat,  
tum hic in Annalibus, tum in Bibliotheca scriptorum  
sui Ordinis, relativæ in eadem Bonaventuræ Ope-  
rum catalogis. Eadem illa Italica Vita Bonaventuræ  
nomine æque ignota fuit omnibus Franciscanis, qui,  
dum Indulgentiam Portiunculanam libris editis  
hactenus propugnarent, justas silentii Bonaventuræ

de re tam memorabili in Vitis, quæ certe ipsius sunt,  
causas producere coacti sunt. At, quas illi plausibiles  
allegarunt, eæ aut evanescent, aut Vitam illam Ita-  
licam non esse genuinum S. Bonaventuræ factum,  
probant. Nam quid causabimur, cur sanctus doctor  
in ambabus Vitis Latinis prudens cautusque tacuerit,  
quæ in Italica non dubitaverit propalare? Nonne  
eadem rationes in omnibus, quas scripsit, S. Fran-  
cisci Vitis, aut in illarum nulla, ejusdem rei silen-  
tium persuadere debuerunt?

4 Cum igitur in duabus illis, quæ sine dubio illius  
sunt, Portiunculanam Indulgentiam cum silentio  
prætereundam, vel certe nonnisi in ænigmate memo-  
randam censuerit, non videtur laudata Italica, in  
qua eadem Indulgentia dilucide commendatur, eidem  
S. Bonaventuræ adscribenda. Nec vero perspicio,  
cur a veri specie abhorre visum Marentino sit,  
subdolum quemdam hominem illis præsertim tempo-  
ribus, id est, forte sæculo xv (nam non exprimitur  
tempus, quo editionis autographum scriptum fuerit)  
voluisse attribuire Bonaventuræ librum, aliena manu  
exaratum; nec cur id nulla penitus de causa facien-  
dum fuisse, credi deberet. Id sane facere potuisset  
quispiam, ut Indulgentia Portiunculana etiam gra-  
vissimo sancti doctoris testimonio firmaretur.

5 Fortasse etiam, quisquis is demum fuerit, istius  
Vitæ Italicæ auctor, eam ex Latina, a S. Bonaven-  
tura certo scripta, Italice concinnaverit, eoque titulo  
eamdem S. Bonaventuræ appellaverit, adjectis non-  
nullis, quæ non erant illius. Adhæc, cum Marentinus  
ipsemel verbis supra recitatis ingenue fateatur, eidem  
Operi adjecta fuisse nonnulla, quæ post sancti viri  
(Bonaventuræ) interitum contigere, cur eam de  
Indulgentia Portiunculana periodum inter adjecta  
non numeremus, quia ejusdem Indulgentiæ nulla,  
saltem expressa, mentio exstat in Vitis S. Francisci,  
quæ Bonaventuram auctorem habent. Non est ergo  
Vita ista Italica idoneum instrumentum ad sæpe  
dictam Indulgentiam testimonio S. Bonaventuræ  
confirmandam, ac proinde salva manent, quæ de  
ejusdem Bonaventuræ ea de re silentio disserui supe-  
rius in *Analectorum* parte 5.

Pag. 781, num. 48. Dum ista scriberem, care-  
bam, ut ibidem dixi, Pomerio Sermonum Pelbarti  
Temesvarini, ideoque ex sola fide R. P. Gabrielis  
Rotomagensis retuli, Pelbartum, dum de viso per  
Cardinalem quemdam corpore S. Francisci memin-  
it, laudare libros Conformitatum Pisani. Jam vero,  
postquam jam impressus esset hic tomus, ad me  
delatum prædictum Pomerium est, in quo Pelbartus  
in Sermone 2 de S. Francisco Pisani pro eodem  
facto re vera laudavit his verbis: Legitur li. Confor-  
mitatum, quod, cum Cardinalis quidam bello apud  
Assisium disposito, vix obtinisset a civibus, ut  
introduceretur ad criptam, et vidisset corpus beati  
Francisci, dicebat, quod, etiamsi nulla alia forent  
miracula, hoc solum sufficeret pro fide Christi  
roboranda. Hoc exemplar Pomerii nec locum, nec  
annum editionis exhibet; at typi non abdundant ab  
anno 1509, quo Lugduni suum Rugilus ibidem in  
*Analectis* meis, pag. 781, num. 41 eecusum ait.

INDEX